



*Undershawig mohe wordt met algemene
Stemmen aangenomen.*

MOSHON

*Eindsessing d.d. 22.4.14
Voorzitter was Carl*

R. Dumbabay

Konseho Insular di Boneiru reuní den reunion Públiko di 22 di April 2014

Konsiderando ku :

- presidente di Fudecu na mas ku un okashon a deklará públikamente ku e deseo di e organisadó di dia di Rincon ta pa mantené e evento aki riba 30 di April.
- Konseho Insular i Kolegio Ehekutivo ta kompartí i sostené opinion i deseo di Fudecu kompletamente.
- e sosten i apoyo na dia di Rincon a reflehá den un karta di Konseho Insular na su Mahestat i un karta di Kolegio Ehekutivo na Gabinete Hulandes.
- Resientemente Minister di asuntunan interior a informá Kolegio Ehekutivo ku pa e aña aki no ta alkansá mas pa legalmente deklará 30 di April komo dia ofisial liber.
- lei laboral di Islanan BES ta indiká algun fecha limitá komo dia ofisial liber na Boneiru.
- 30 di April no ta un dia ofisial liber mas.
- ta prudente i deseabel pa den un fase mas tempran ku e aña aki tabata e kaso atendé deligentemente ku e parti legal pa asina ofisialmente deklará dia 30 di April komo dia liber.
- pa 46 aña " Bonaire International Sailing Regatta" den luna di Òktober ta wòrdu organisá na Boneiru.
- e evento akuatiko aki poulatinamente a bin ta krese i den pasado por a konsiderá nos Regata komo e evento Popular number unu di Boneiru.
- por a konstatá ku nos Regata a bin ta pèrdè e forsa ku e evento aki a konosé den pasado.
- Konseho Insular ta sinti nesidat urgente di un evaluashon profundo di tantu e parti akuatiko komo e Festival di Boneiru su Regata internashonal.
- pa 40 aña Karnaval di Boneiru den luna di Febrüari ta wòrdu organisá na Boneiru.
- e fiesta popular aki a bira un tradishon ku tur aña di nobo ta regresá den nos komunidad.
- por konstatá ku pa algun tempu kaba tin inklaridat i diskushon rondó di entre otro Festival di tumba.
- tin indikashon fuerte ku e aña aki atrobe tin debe substansial a keda tras despues di organisashon di Festival di tumba.
- Konseho Insular ta sinti nesidat urgente di un evaluashon profundo di tur e aktividatnan karnavalesko inkluyendo e marchanan, elekshon Prins i Pancho i Festivalnan di tumba.
- prudente pa komunidad Boneriano tin garantia di un organisashon sólido i ku vishon di tantu dia di Rincon, Regata i Karnaval por wòrdu konsiderá komo aktividatnan Popular ku ta enfaisá Kultura i e tradishon Boneriano.
- e tres aktividatnan Popular aki tin un aporte substansial na nos ekonomia.
- un strategia bon plania, inovativo i debidamente ehekutá di eventonan Popular por tin un balor agregá na ekonomia di Boneiru.
- Konseho Insular ta sinti nesidat urgente pa instituí un komishon di eventonan Popular ku e meta pa evaluá i presentá rekomendashonnan konkreto na Kolegio Ehekutivo i Konseho Insular.

TA DISIDI DI :

1. instruí Kolegio Ehekutivo pa nombra un komishon di evaluashon di dia di Rincon, Regata i Karnaval.
2. invitá e komishon pa presentá un nòmber ofisial pa e dia liber ofisial di dia 30 di April.
3. enkargá e komishon ku e tarea primordial pa evaluá i presentá vários opshon komo rekomendashon pa ku organisashon di e tres aktividatnan menshoná na punto 1.
4. instruí Kolegio Ehekutivo pa delegá un miembro di Fudecu, Bsaf, TCB, servisio di Skal i un persona proponé pa koalishon i un pa oposishon den e komishon.
5. duna e komishon e nòmber di komishon evaluashon eventonan popular (KEEP).
6. instruí Kolegio Ehekutivo pa dentro di dos siman instituí e komishon indiká na punto 4.
7. invitá e komishon pa promé ku fin di luna di Yüli 2014 presentá un relato na Kolegio Ehekutivo i Konseho Insular.

I ta pasa pa òrdu di dia, Boneiru 22 di April 2014.

Edwin Benito

BRD
Frenkston M.B.L.

W. J. M. J.